



EGUNEKO DIANAK




Towa Electron

Japoniako Towa Electron konpainiak eta Konek Lasarteko enpresak lankidetzak akordioa sinatu zuten. Japoniarren inbertsio eta teknologiari esker hobetu egingo da bertakoen produkzioa. / 14



Milan Panic

Milan Panic-ek, 'Jugoslavia Berriko' gobernuburu izendatu berri dutenak, Nazio Batuekin elkarlaguntzan Armada serbiarra desarmatuko duela adierazi zuen. / 16



N. Serra eta P. Joxe

Narcis Serra Espainiako presidenteordeak esan zuenez, militar profesionalak ezezik, soldadutza egiten ari diren gazteak ere joango dira Adriatikoko Itsasora. Pierre Joxe Frantziako Defentsa ministroa ere berdintzatzen zen. / 15

Martxel Aizpurua, erlezaintzan jakintsu

A. ETXEBERRIA / ZARAUZ

Martxel Aizpurua Gipuzkoan erle kontutan den pertsonaia jakintsuenetakoa da. Orain hamalau urte hasi bazen ere erleekin lanean, bederatzi urte dira, Zarautzera etorri zenez geroztik, erlezaintza seriozki hartu zuela. Berak dioenez, «erlezaintza lanbidea da, baina ez bizibidea». Horregatik, goizetan erlazain teknikari bezala egiten du lan Zizurkilgo Fraisoro Nekazal Eskolan eta arratsaldetan Alegia, Aia, Getaria eta Zarautzen dituen erleekin aritzen da.

Martxel Aizpuru berrogeitabi urte dituen alegiaria da. Biologia ikasketak amaituta, botanikan espezializatu zen, palinologian, (polenaren azterketan). Lehenengo erleak bere jaioterrian jarri zituen. «Erleak ikasten ari nintzenez, gutxi batzuk jarri nituen. Aranzadi Zientzia Elkartearen aritzen nintzen ikerketa lan hauetan eta goizetan bizibide bezala UZEIn, Biologiako euskara hiztegia idazten». Bi urte igaro zituen bi lan horietan eta ondoren, 1983an egurrezko belauntzi batean munduari itzulia ematea proposatu zioten. «Petronorrek ordaintzen zuen bidaia eta ni biologo gisa nindoan, baina irteerarako hamabost egun falta zirenean Petronorrek ideia baztertu eta bidaia egiteko dirua ez ematea erabaki zuen». Honek ideia eta plan guztiak hankaz gora bota zizkion gure solaskideari. Orduan erabaki omen zuen erlezaintza seriozki hartzea.

Martxelen erle kopurua urtetik urtera haziz joan da. Une honetan 100 erle kaxa ditu, bakoitzean 30.000 erle inguru, eta udako garairik onenean 40 edo 50 mila kaxa ere izaten ditu. «Erleak kaxetan sakabnatzearen arrazoia jana behar dutela da, zeren eta denak leku batean jarriko banitu ez legoke denentzat janaririk eta hil egingo litzaizkideke».



ANDER GILLENEA

SOSLAIA

Erle eta eztiarekin bueltaka

Eztia jaso eta ondorengo prozesu guztia ere berak darama. «Lehen dena eskuarekin egiten genuen eta orain dena makinekin, ezti eskuarekin ukitu gabe». Etxe eta azoketara, baita dendetara ere saltzen du ezti, osasun erregistroaren etiketa jarri ondoren. Australia eta Argentinatik merke ekartzen dute ezti, baina Martxel ez da konpetentziaren beldur: «Gure produkzioa txikia da, baina kalitate ezin hobekoa. Ongi ari gara saltzen eta ezin gaitezke kexatu». Hala ere, Martxelen ustez, ez da ezti hartzeko kontzientziarik gure artean, «eztiak azukreak baino propietate gehiago eta hobeak dituen arren. Gure helburua jendearen artean ezti hartzeko ohitura sortzea litzateke». Propolioa eta argizaria ere saltzen ditu.

Gipuzkoan erleetarako zaletasun handia dago. Guztira 600 bat pertsona dabil erlezaintzan eta horietarik Martxel da erle kopuru handiena duenetarikoa. Hala ere, irabazi handirik ez duela ematen dio. Oraindik ez da Gipuzkoan honetara dedikatzen den profesionalik: «Erlezaintzara profesionalik dedikatzeke trashumantzia egin beharko litzateke; eguraldi txarrak direnean erleak tokiz aldatu beharko lirateke eta, noski, horrek inbertsio handia behar du eta lan egiteko sistema aldatzea».

Loreen irregulartasuna ere zailtasun bihurtzen da erlezaintzarako. «Batuetan lore asko izaten da, besteetan ordea gutxi eta orduan izaten ditugu komeriak. Honela, azken urteotan zeharo gaizki ibili gara eta aurtengo maiatzean berriz primeran». Erleetarako garairik onena uda da. Neguan lan gutxiago izaten du Martxelek eta bere ikasketekin jarraitzeko aprobetxatzen du: «Neguan erleen ezti ikertzen dut. Honetarako laborategi bat muntatu dut Zarauzko Munantxo baserri inguruan ditudan lurraldeetan. Erlain asko etortzen da nigana zein motatako ezti duten galdetzeraz».

Martxelek gorputza buzo batez eta aurpegia maskara batez estaltzen ditu erleekin lan egiteko, erleek eraso egiten bait dute, batez ere kaxa inguruan ibiliz gero. Itxuraz ez dirudi oso lan atsegina, baina Martxelek kontrakoa pentsatzen du. «Nik lan hau oso gustokoa dut, gogorrena eguneroko egin beharra izaten da. Zaletasun bezala oso polita da, baina erlezaintza diru iturria baduzu lana gogorrago egin behar duzu. Hala ere, intsektorena oso bizimodu bitxia da eta gratifikazio handiak ematen dizkizu. Urteekin erlearen jokaera guztiak ulertzen joaten zara eta beraien-gatik espero duzun lortzeak berriztan atsegin handia ematen du».

LERRO GUTXITAN

Angel Colom: «Goardia Zibila harroputza da»

Angel Colom ERCKo idazkari nagusiak esan zuenez, «Barcelonara etorritako goardia zibilen jarrera harroputz, zital eta onartezinak elkarbizitza baketsua apurtu eta Jokoen arrakasta arriskuan jar dezake». Colomek gutuna bidali zion atzo Generalitateko presidenteari, «polizi agenteen etengabe probokazioa eragotzeko» eskatuz.

ONCE

ASTEARTEA

84.874


ASTELEHENA 03.308

ASTEAZKENA

OSTEGUNA

OSTIRALA KUPOTZARRA

irrimarra



© Jon Zabaleta

■ 'ERRULETA ERRUSIARRA' SARJENTUAK SOLDADUARI.

Espainiako Soldaduen Defentsarako Bulegoak atzo Madrilén salatu zuenez, «David Caz soldadua jipoitu egin dute koartelean, erredurak eragin eta 'erruleta errusiarra' ere egin dio sarjentu batek». Caz gaztea koartela utzi eta etxera itzuli da, «batekin nahi dutena egiteko eskubidea daukatelako han —esan zuen—; ezin diozu inori deusik esan eta irtenbide bakarria ihes egitea da». Aipatutako Batzordeak salaketa aurkeztu du Estatuko Fiskaltza Nagusian. Horrez gain, Caz edozein unetan atxilotu eta gartzelatu dezaketela eta desertatzeagatik sei urteko gartzela zigorra jaso dezakeela ekarri zuen gogora.

■ **SARAJEVOra 1.000 TONA ELIKAGAI** baino gehiago bidali dituzte Frantziatik, François Mitterrand presidenteak bertara egindako bapateko bisitaldiaz geroztik. «Nazioarterako onuragarriak diren ekintzak egiten lehenak gara» esan zuen atzo Pierre Joxe Defentsa ministroak. Frantziako Armadako 250 kide daude uneotan Sarajevon Nazio Batuen esanetara eta uztaile amaizterako 3.000 izango dira.

■ **MATEMATIKETAN GENIOA.** Matematiketan lizentziatu da hamahiru urteko mutiko bat Surrey-ko (Britainia Handia) Unibertsitatean. Ganesh Sittampalam-ek 'oso ongi' kalifikazioa eskuratu du. Asteazken behin joan izan da Unibertsitatean bi urtez. Baina bere adineko beste mutikoen pareko ikusten du bere burua.

■ **LEPRA VIRUSAK** kutsatutako gernu potea ahaztu zuen autobusean Londreseko mediku batek. Potea galdu zuela konturatuta, autobus enpresara deitu zuen. Han jaso ez zuten, Poliziara jo zuen herritarrek ohartarazteko. Potea, ordea, autobus erabiltzaile batek jaso zuen eta kontsultara eraman, helbidea kanpoaldean zuelako idatzita.